

8 MAC 2018

Seludup ketum, 2 beradik ditahan

Seludup ketum, 2 beradik ditahan

PADANG TERAP 7 Mac. - Tiga lelaki termasuk dua beradik ditahan Agensi Kawalan Sempadan Malaysia (Aksem) kerana dipercayai cuba menyeludup 500 kilogram (kg) daun ketum bernilai RM20,000 ke Thailand di Kota Putra di sini semalam.

Ketua Polis daerah, Deputi Superintenden Noh Idris berkata, 10 anggota diketuai Koperal Romdzan Awang menjumpai sebuah kereta dan motosikal diletakkan tepi jalan tanah merah berhampiran Kampung Pengasah dekat sini kira-kira pada pukul 7 petang.

"Semasa tinjauan, anggota Aksem mendapati tiga suspek berada berdekatan kawasan tersebut dan mengaku kenderaan itu milik mereka.

"Hasil pemeriksaan ke atas kenderaan tersebut mendapati terdapat 104 plastik hitam berisi daun ketum dalam kereta tersebut," katanya dalam satu kenyataan di sini hari ini.

Noh memberitahu, selain bungkusan berisi daun ketum, pihaknya turut merampas sebuah kereta jenis Toyota Unser dan motosikal jenis Honda EX5 untuk tindakan lanjut.